



PORTAVÓS VI GOVERN KONSTITUSIONAL



KOMUNIKADU
BA MEDIA

Loron 18 fulan-maiu tinan 2015
Dili, Timor-Leste

Kontensaun Orsamentál no Kualidade Despeza nian gia Elaborasaun Orsamentu tinan 2016

Iha Ioron-kinta semana kotuk, membru Parlamentu Nasional nian sira, membru Governu nian sira, diretor-jerál, diretor nasional, funzionáriu públiku superiór no funzionáriu husi Empreza Pública nian no Ajénsia Autónoma sira hala'o sorumutu iha Salaun Nobre Ministériu Negósius Estranjeirus no Kooperasaun nian hodi partisipa iha "Jornada Orsamentál", semináriu preparasaun nian ida ba Orsamentu Estadu tinan 2016. "Jornada Orsamentál" ne'ebé koñesidu mós ho "Yellow Road Workshop" maka sorumutuk anuál ida ne'ebé ninia misaun mak observa kestaun boot hirak ne'ebé Timor-Leste atu hasoru, liu-liu, kona-ba utilizasaun finansa pública sira nian: Ita iha ne'ebé? Ita ba ne'ebé? no asaun sa'ida de'it mak ita tenke foti?

Semináriu ne'e, ne'ebé Ministériu Finansas mak organiza no Primeiru-Ministru Timor-Leste nian, Dr. Rui de Araújo, maka lidera, ko'alia kona-ba identifikasiasaun Prioridade Nasional sira ba tinan 2016 no "envelope fiskál" ba tinan 2016.

Durante semináriu ne'e, Governu identifika ona área edukasaun, saúde, agrikultura no infraestrutura bázika hanesan área prioridade sira ba tinan 2016. Iha infraestrutura sira nia laran, hirak ne'ebé sai hanesan prioridade maka manutensaun, estrada, edifísiu público sira, bee no saneamento. Prioridade Nasional hirak ne'e, ne'ebé identifika ona ba tinan 2016, tama iha Programa Governu Konstitusional VI nian, ne'ebé estabelese Planu Governu nian ba tinan rua hobalun mai ne'e no iha Planu Estratégiku Dezenvolvimentu Timor-Leste nian ba tempu naruk, ne'ebé trasa dalan nasaun nian, ba Dezenvolvimentu, to'o tinan 2030.

Liutiha diskusaun lubun ida, "envelope fiskál" ba tinan 2016 ne'ebé propoin iha semináriu maka dolar américa nian hamutuk millaun 1,3, ne'ebé hatudu redusaun ida hamutuk 17 % husi montante orsamentu tinan 2015 dadaun ne'e. Ho redusaun gradual orsamentu nian, Governu hakarak garante sustentabilidade fiskál. Iha apresentasaun detallada barak kona-ba dezempeñu no perspetiva Fundu Petroliferu, no kona-ba fatór hirak ne'ebé iha impaktu iha sustentabilidade fiskál Timor-leste nian.

Primeiru-Ministru ko'alia liului, durante diskusaun ne'e, katak "governu sei konsentra iha kualidade husi aspetu prosesu orsamentál nian hotu-hotu", inklui mós planeamentu, orsamentasaun, ezebusaun, avaliaisaun no fiskalizasaun.

Dadaun ne'e, ministériu sira sei prepara hela sira nia orsamentu rasik, ba apresiasaun to'o Ioron 15 fulan-juñu, no planeamentu orsamentál ba tinan 2016 nian barak liu maka tenke ramata ona to'o iha fulan-jullu tinan 2015 nia rohan.

Portavós Governu nian, Ministru Estadu Ágio Pereira, hahii Ministériu Finansas no nia ko'alia kona-ba kontribuisaun ativa husi partisipante sira durante Jornada Orsamentál nian ne'e. Ministru ne'e hateten tan katak "planeamentu ne'ebé efikáz no esforsu atu hadi'a kualidade prosesu orsamentál nian ne'e tomak, sei halo povu timoroan nian fó valor ba aplikasaun osan nian, rezultadu ne'ebé, iha analiza ikus, fó benefísiu ba hotu-hotu." **REMATA**



Ágio Pereira
+670 7723 0011
agio.pereira@cdm.gov.tl
govtlmedia@gmail.com
www.timor-leste.gov.tl